

tiur; & secundum illud Apostoli: Dissolvi me melius est, & cum Christo esse; & illud: Miser ego homo! quis me liberabit de Corpore mortis hujus? & illud: Quia in hoc veteri tabernaculo congemiscimus, desiderantes Superindui; tadium ipse in hoc mortis Corpore patitur. Sed velocitatem auxilii deprecatur. Quid enim sibi proderit, exultitum esse velociter, nisi tanquam fidelis & Deo placens, & Beatis locis Quieturus, excedet e Corpore? Ut his denique finem faciam, accipe, quid Tractat. in Psalm. cxix. num. 11. ad ea verba: Heu mihi, quia incolatus meus prolongatus est, Hilarius idem differuerit: Querelam istiusmodi, ait, a plurimis Sanctis audivimus, de tarditate spei suæ morsam Corporum dissolutionem deservitum. Dominus in Evangeliiis suis docuit, ACCELERATIONEM REGNI COELESTIS ESSE ORANDAM. Impatientem enim caritatem esse eorum, quæ amet, convenit: atque ideo dici oportet, quod ut dicamus, a Domino præcipimur, ADVENIAT REGNUM TUUM. Paulus beatus inhabitationem Corporis sui congemiscit, per incolatum Carnis peregrinari se a Deo conquerens. Quo contra peregrinandum in Carne scit sibi esse, ut ei CUM DEO SIT INCOLATUS; sed tamen MELIUS ei ESSE DISSOLVI, ET CUM CHRISTO ESSE. Et Ecclesiastes ait: Et laudari omnes, qui mortui sunt, super omnes, qui vivunt usque nunc: liberata per Dissolutionem Corporis Anima opere atque consortio-hujus periculose Carnis. In hoc igitur nimium prolixo IN CORPORE INCOLATU, CONGEMISCIT PROPHETA, FESTINANS PEREGRINARI A TERRENIS ET INCOLERE COELESTIA, UT derelictis corruptilibus atque præsentibus CONSEQUATUR INVISIBILIA ET ÆTERNA. Relege, quæso, iterum, ac serio ista perpende: ac demum edicito, an ferendus sit Burnetus, qui & Hilarium, & Apostolum Gentium, veluti suis somniis indulgentes producit, & Justorum desideria de Corporis dissolutione, atque impatientiam, ut cito consequantur quod amant, falsi arguit. Hæc sunt, pene dixi, machinamenta hominis, Invisibilia & Æterna neque sperantis & per consequens, neque credentis.

CAPUT XIII.

Perperam pro sua opinione laudatur a Burneto S. Ambrosius. Varia illius loca expensa. Pseudo Eusebii Libris ille usus, Perspicue ab eo confirmata Sanctorum Beatitas.

Sancti quoque Ambrosii auctoritatem in hæc opinionis patrocinium adscivit Burnetus. Jure-nè, an injuria, videamus. Hæc ejus verba laudat ex Libro de Bono Mortis cap. x. Coronæ enim dies expectatur ab Omnibus, ut intra eum diem & Victi erubescant, & Victores palmam adipiscamur victoriæ. Et cap. xi. hæc alia mutuatur, ubi lætitiâ Animarum ante Resurrectionem exponens, ait: Quarto, quia incipiunt intelligere Requiem suam, & futuram suam Gloriam prævidere; eoque se consolatione multoentes in habitaculis suis cum magna tranquillitate Requiescunt, sicut præsulis Angelorum. Denique e lib. ii. cap. 2.